

Jb

42915

100



Vg 346 9 a — mit 21. 11
BM

Vg 346 10 b von andern Stück

Dieses Stück ist

in beiden Teilen anders

gezeichnet

Das Hauptmang. enthält

fol.

vide Panzer pag. 164. no. 1805. Ertels manuskript
Sommer 342

**Deutung der zwo gewlichen
Figuren Papstesels zu Rom vnd Munchthalbs
zu Freyberg in Meyssen funden**

**Philippus Melanchthon
Doct. Martinus luther**




**Wittenberg
M. D. XLII**



L 2, 3614



Der Papstesel zu Rom



Das Dunchkalb zu freyberg



219

Der Papstesel durch Bhi- lippen Melancthon deuttet

Gott hat allweg sein gnade oder zorn/durch etliche zeichen/
vnd sonderlich die herschafften/wunderlich damit surgebil-
det/wie wir sehen Danielis.viij.Daselbs er den auch des Rō-
mischen Antichrists reich verkündigt hatt/auff das sich alle
warhafftige christen wusten zu huten/fur des selben schalck-
heit/welche so listig surgeben ist/das auch die außewelten
heiligē mochten da durch versüret werden/als Christus sage
Math.xxiij.Darüb in mittler zeit des selbē reychs/vil zeichen
von Gott geben sind/Vnd newlich diese grewliche figur/der
Papstesel/welche zu Rom in der Tyber todt fundenn ist/jm
M.CCC.xcvj.sar/Vnd also eygentlich alles wesē Bepst-
liches reychs abmalet vnd surbildet/das nicht muglich were
eynigem menschen solchs zuertichten/Sondern man sagen
muf/das Gott selb diesen grewel also abcontrofeyt habe

Auffs erst/bedeut der Esels kopff/den Papst/denn die
Kirche ist ein geystlicher leyb/vnnd ein geistlich reich/das yn
geyst versamlet ist/darumb soll vn̄ kan sie kein leylich heubt
noch euserlich herren haben/Sondern allein Christum/der
ynnwendig jm geyst durch den glauben in den herten regirt/
haubt/vnd herr ist/Vn̄ aber hat sich d̄ Papst selbs zu euser-
lichem/leylichen heubt der kirchē auff geworffen/Darumb
ist er durch diesen Esels kopff auff dem menschlichē leybe/be-
deut/Den̄ gleich wie sich ein esels kopff auff ein menschē leyb
reymet/so reymet sich auch der Papst zum heubt vber die
Kirche/So bedeut auch in der schrift/der Esel/euserlich fleis-
schlich wesen.Exo.xiiij.

Auffs ander/die rechte hant ist gleich einē Elephanten
fuf/bedeut aber das geistlich regiment des Papsts/damit er
zutritt alle schwache gewissen/den̄ er verderbt die seelen mit

seyen vnzelichen vnd vntreglichen gesezen/da durch er vns
saglich sund vnd jamer. auff die gewissen/an alle notte vnd
vrsach ladet/Gleich wie das grosse schwere thier d' Elephāt
zu tritt vnd zu'thyrst/alles waruber er kompt/ Denn was ist
das geystlich regiment des Papssts anders/den̄ nur die gewis-
sen (mit erzwingen beicht/keuscheit/gelubden/falschē messen
falsche büs/eyd binden/vnd widder zureissen/erleuben/vnnd
wid̄ verbietten/aplas/heiligthum/vnd der gleichen)durch
eyttel freuel vñ gewalt beschweren/drucken/verwirren/engstē
vnd martern/vnd endlich damit von dem rechten Christ-
lichen wesen vnd glauben/auff falschen enßerlichen scheyn
der werck vñ geistlickeit versuren/Danielis. viij. Er wirt das
heilige volck tödten. ij. Timot. iij. sie lerē lügen in heucheley/
Denn die recht hand bedeut/das yinnerlich/das die seelen vnd
gewissen betrifft/da Christus allein /mit seinem süßen ley-
chen regiment regirn soll/vnd der eselkopf regirt daselbs mit
seinem verderblichen freuel vnd gewalt

Auffs dritte/die lincke menschliche hand bedeut/des Papssts
weltlich regiment/Denn wie wol sie keyns haben solten/als
Christus sagt/Luce. die weltliche fursten herschen uber sie/yr
aber nicht also/so hats der Papsst doch so vernunfftig durch
den deuffel zu wegen bracht/das er nicht allein weltlich regis-
ment hatt/mehr dan̄ kein konig/sondern ist auch dazzu uber
alles weltlich regiment der vberst/ein herr vber konig vnnd
fursten/die er an sich zogen hat/das sie yhm dazzu geholffen/
vnd yhn da bey behalten vnnd verteidigt haben/Auff das
Danielis. viij. pphecey war wurde/do er spricht/Sein krafft
wirt mechtig werdē/nicht durch sein krafft/Darumb ist dis
ein menschen hand/denn solch reich on schrift/sondern nur
durch menschen dunckel also auff kōmen ist/da sie sagen/es
sey billich vnd recht. das sant Peters stul erbe vnnd christus
Vicari vber yederman sey/wie wol es/Got lob/dahyn kōmē
ist/das nu menigklich verstehet/das es eyttel Būberey ist/das
mit die Pepsstliche rotte vmbgeht

Auffs vierde. der rechte fuß. ist ein ochsen fuß. bedeut des
geystlichen regiments diener/die das Papstum yn solchem
vnterdrucken der seelen erhalten vñ tragen/das sind die besst
liche lerer/prediger/pfarrer/vnd beichtuetter/sonderlich aber
die Theologi Scolastici/denn solch verdampft volck/thut
nicht mehr/denn treybt nur die vntreglichen obgenanten ges
setzen des Papsts in das arme volck/mit yrem predigē/leren
vnd beicht horen.vñnd behalten damit die elenden gewissen
vnter dem Elephantē fuß gefangen/vñ sind also das papst
tums/seulen/fuß/vñ grund/wilchs sonst nicht so lange hette
mugen stehen/Denn die Scholastica Theologia/nichts ist
denn eyttel/ertichte.erlogen/verflucht/teuffelische geschwetz
vnd Munchetrewm/vnd doch damit/die armē seelen vnter
sich treten. Math. xxiiij. Es werden falsche Christen vñnd
falsche propheten auffkommen

Auffs funffte/der linckē fuß ist gleich wie ein greyssen
klawe/bedeut des weltlichē regiments diener/die Canonisten
des geistlichen rechts volck/die selbs bekennen/das die lieben
Canones nach eyttel geitz stinckē. Denn gleich wie der greiff
mit seinen klawen zu sich reyset vñ fest fasset/also hatt solch
Papsts gesind zu sich gerissen/durch yre Canones. die guter
der ganzen Europe/vñ halten dran wie der teuffel/vnmach
leslich/denn auch die Canones zu yrem vnstetigen geitz er
richtet sind/Das also alle wellt/an seel vnd leyß/an gutt vnd
ehre.von disem grewel.zu treten.vnterdruckt vñnd verderbt
sein muß

Auffs sechst/Der weybisch Bauch vnd Brust.bedeut des
Papsts corper.das sind. Cardinal.bischoff.pfaffen/munch
studenten.vnd der gleichen hurn volck vnd mast serw. denn
yr leben. ist nur fressen.saußen.vnkeuscheit.wollust.vñ alles
gut leben haben auff erden.vngestraft.vñnd auffs hobist
befreyt.das sie solch leben vnuerschampt siren.gleich wie di
ser Babstesel/seinen frawen bauch bloß vnd frey daher tregt

wie man fur augen sihet. vnd geschriben ist von Daniel vñ
Paulo. ij. Timot. iij. Die wollust mehr dem Gott lieben vñ
Philip. iij. Bauch ist yr gott

Auffs sibend/sind fisch schuppen an den armē/beynen
vnd hals. vñnd nicht an der brust noch Bauch. Bedeuten die
weltlichen fursten vnd herrn/Denn/das meer yn der schriffte
bedeut dise welt. fisch bedeuten die weltliche menschen. wie
sant Peters netz christus selbs deuttet. Math. iij. So bedeuten
die schuppen. das ankleben vñnd an hangenn/wie Gott
spricht/job. xxxviii. Ein schuppē klebt an d andern/das nitte
ein lufftlein da zwischen gehen kan/ Also habē allzeit gehan-
gen/vnd hangen noch die fursten vnd herrn/vnd was welt-
lich ist. am Papst. vnd seinem regiment. Vnd wie wol sie yr
fressen. vnkeusheit. vnd wollust. nicht mugē schutzen. noch
yhn des zufallen/ denn hie kein schuppen am bauch vnd an
der brust ist. sintemal es zu offentlich böse ist/ So dulden sie
es doch. vnd hangen deste fester an seinem hals. armen vñnd
beynen. Das ist sie billichen vnd schutzen sein stand. als sey er
recht vnd von gott/dauon er steiff vñnd halstarrig seinen
kopff treget/ Dazu helffen sie/ seyn geystlich vñ weltlich res-
giment/seyne vntregliche gesetz/ lere/ Canones halten/vñ seyn
zeytelich gutter bewaren/ Ober das. stiffen sie klöster vñnd
stiffte/vnd hohen schulen/vnd kirchen darinnen solche lerer/
prediger/beychtuetter/doctores/Canonistē vñ Theologistē
yr wesen mechtiglich furen/das er ja feste stehe/vnd wol ge-
grund sey/Kurzlich der welt hulff vñ gunst hanget ym an/
das sie kein lufftlein/kein geistlich lere/noch gotts wort. von
ym scheyden noch sie zurtrennen kan

Auffs achte/der alte mans kopff auff dem hindersten/
bedeut das ab nemen vñnd ende des Papstums. denn yn der
schriffte deuttet das angesicht/komen/vñ d rucke od hinderst
das weg gehen. So spricht der apostel Ebre. viij. Was alle
ist/das ist nah bey seym ende. Also ist nun damit angezeygt

wie das Papstum an seyn ende komen sey. vnnnd das es von
ym selb veralten vñ vergehen soll/vnd on schwert schlag ob
menschē hend/wie Daniel. viij. gesagt hat. Er wurt on hend/
de zustort werdē. Denn Gots wort vñ die warheit deckē seyn
bofheit auff/ vñ also geht er dahyn. Also sehen wir/das diese
figur eygētlich mit d̄ ganzē prophecey Daniel. viij. vber eyn
kompt/vñ beyde/des Papstums nicht vmb ein har seylen

Auffs neunnde/der trach der das Maul auß seynem hyns
dersten auff sperret/oder ferwer speyet/bedeut die giffstige grews
lichen bullen vnd lester bucher/die yrtz der Papst vnd die seyn
nen in die welt speyen/damit sie yederman fressen wöllē/weyl
sie fülen/das es ein ende mit yhn werden will/vnnnd vergehn
müssen/Denn es yr letzter vnd ergister zorn ist/damit sie yr
hohistes versuchen/ob sie den grewel mit schrecken vñ drowē
vnd verfluchen der leutt/möchten erhalten/Aber es hilfft den
schalck nicht/Er muß dran/den der trach beysset vnd speyet
in die lufft vergeblich/vnd vmb sonst/vnnnd trifft niemant/
denn es bewegē solche zornige bullen vñ bucher yrtz niemant
mehr/Die warheit ist zu helle am tage

Das zehende/das diser Papstesel zu Rom vnnnd nicht
anderswo funden ist/Bestettiget alle das vorige/das man
von keiner andern herschafft verstehen kan/denn von der zu
Rom/Thu ist yhe zu Rom yrtz keyne herschafft/ gleych oder
vbers Papstum/Denn Gott allwege seyne zeychen/ an den
ortten schafft/da yr bedeutung heym ist/wie zu Iherusalem
geschach/ Vnnnd das es todt funden ist/bestetiget/das des
Papstums ende da sey/vnd das es nicht mit schwert/noch
menschē hendē zustort/sondern von ym selb tod vñ zunicht
werden muß

Sie mit will ich yederman gewarnet haben/das man
solch groß zeichen Gottes nicht verachte/vnd sich fur dem
verfluchten Antichrist huete/vnd fur seynem anhang

Deutung des Munchkalbs

Zu Freyberg Martin Luthers

Die Prophetische deutung dieses Munchkalbs wil ich dem geyst lassen/den ich kein prophet binn/on das gewis ist/ der gemeinen deutung nach/yn allen wunderzeichē/ das da durch ein groß vnfall vnd verenderung zukunfftig/Gott zu verstehen gibt/ der sich auch gewislich deuttich land versehen mag/Welche aber die selbē sey/vñ wie es zu gehen werde/gepurt den prophetē zu sagen/Mein wunsch vnd hoffnūg ist/das der Junst tag sey/Denn der zeichē bisher vil auff einander fallē/vnd gleych alle welt in einer grossen woge steht/Die on grossen wandel nicht kan abgehn/Dazu das Euangelische liecht so helle auffgangen/welchem alle mal/groß verenderung/vmb der vngleubigen willen/ gefolget hatt

Ich will nur des gewisste geramen/vñ in anzeigē/warumb Gott zu solchem zeichen ein munchkalb genomen hat/vñ das heilige kleyd so verkerlich vñ greulich schendet/so er doch eben so wol solch kunfftig vngluck hette durch ein wunder on munchkuten mugen angeben/Dazu nu auch zu landsberg ein pfaffenkalb hatt geschaffen/vñ will dis jar nur mit geystlichen/heiligen wunderzeichen faren/damitt er yhe sich mercken lest/das er des geistlichen stands sonderlich acht hatt/vnd ettwas ym synn hatt auff die selben

Also thett er vorzeyten auch/Da er Danielis.viij.den grossen konig Alexander durch ein zygen bock lief bedeutte/damit er anzeige/ober die prophetische deutung des zukunfftigen fals/was die kriechen fur ein volck weren/nemlich/geytle vnd furwitzige leutt/wie die geysen sind/die sich mit yrer vernunft hoch zusteigen vnd allerley vermessen/ Also hatt er auch hie ym Munchkalb ober die prophetische deutung anzeygt/was die Munchen fur leutt sind/Vñ villicht auch. Das solch vnfall ober die welt komen werde/vmb der geystlichen missethat willen/die durch yhr fleyschliche lere den

B

glaubē vertilget vnd die welle zu kalb fleisch gemacht habē
Ein ander gebe die prophetische deuttung/ Ich will meyn
Munchkalb meynem stand zu dienst deutten/ Das pfaffen
kalb findet auch wol seinen deutter.

Dise deuttung stelle ich so vil deste lieber/ das ich weyß
wie sie nur hertter verstocken wirt die jenigen/ so sie betrifft
weyl sie alles verachten vnd fur kerzerey haltē/ was ich sage.
Darumb sollen sie mir hierynn auch nicht glauben/ sondern
sich ye mehr vñ mehr dran stoßen vnd verstocken/ auff das
sie ja nicht zu rechter erkentnis komen/ vnd yhr vngewobiges
leben bessern. Wie zu Isaias. vj. gesagt wartt. Verstocke das
hertz dises volcks vnd verblende yr augen vnd verschlemme
yr oren/ das sie nichts hören/ sehen noch mercken/ damit sie
sich bekeren vnd selig wurden.

Wie nu der Balaam/ da er Gottis wortten nicht ge-
horchet. zu letzt auch von seyner eselin gestrafft must werden
vnd sich doch nicht dran keret/ also sollen auch vnser geyst-
lichen Vetter. nach dem sie bis her/ fur der hellen warheit des
Euangeli yr oren/ wie die otter/ verstopffen/ jzt auch an dem
kalb vnd kute fur yren augē/ als ym spiegel sehen/ wer sie sind
fur gott/ vnd was man ym hymel von yhnen helle. wie wol
sie die augen dennoch sollen fest zu schliessenn/ das sie ja des
keyns sehen/ sie möchten sonst sich bekeren/ vñ dem grewlichē
urteil Gottis entrynnen. Denn den verstockten pharao bewe-
gen wedder wortt noch zeychen

Auffs erst vnd zur summa dises zeychens/ laß dir das
keyn schimpff seyn. Das Gott eym kalb das geystlich kleyd.
die heilige kuttē hatt angezogen. Damit hatt er on zweyffel
auff eym hauffen bedeut. das es bald offenbar werder. muß/
wie die ganze Muncherey vnd Nonnererey nichts anders sey/
denn ein falscher lügenhafftiger schein/ vñ eufferlich gleyssen
eyns geystlichen gottlichen lebens. Denn wir armen leute ha-
ben bis her gemeynet der heilig geyst were vnter der kuttē/ vñ
das ein solch kleyde nichts denn eyttel geyst deckte. So zeygt
Gott hie an/ das es nur ein kalb deckt/ als solt er sagen. Es ist

ein schalcks hütlin/ Denn was ein kalb bedeutte/ lernet vnns
alzu wol. das gulden kalb Aaron/ das yn der wusten vom
volck Israel fur ein Gott auffgeworffen wart. Exo. xxxij.
vñ ps. lxxvij. Sie wandeltē yr herligkeit in ein bild cyns kalbs
das gras frisset. vnd die kelber Jeroboam zu Bethel vñ dan
ij. Re. xij. Da widder die propheten so hefftig schreyen.

Also sihe du nun diß munchkalb auch an/ das die kutte
sey das ganz geystlich weſē mit alle yrem gottis dienst. den
sie groß achtē/ mit beten/ messen/ singen/ fasten ꝛc. Aber wem
thun sie solchem gottis dienst. wer wirt da mit geehret. An
wem hanget er. Am kalbe. Denn die kutten zieret vnd kleidet
das kalb wie du sihest. Was ist denn das kalb. Es ist yhr
falcher abgott yn yrem lügenhafftigen hertze. Wie geht das
zu. Also gehet es zu. Sie haben ein meynung vnd gewissen.
das sie dem rechten waren Gott dienen mit yrem geystliche
weſen. vñnd wollen den hymel mit yren wercken verdienen.
vnd stellen auch yhren gottis dienst auff lautter menschlich
werck. nicht auff den glauben

Nu ist kein Gott yn hymel vnd erden. der sich damit
ehren laſt. es sey dan der Teuffel odder ein abgott. Den dem
rechten waren Gott/ kan man nicht anders den yn geyst vñ
warheit dienē. Johan. iij. das ist jm glaubē vñ vber mensch
lichen wercken. die der geyst Christi ynn vns thut. Johan. vj
vnd Isa. lv. Darumb kunden solch falsche geystliche yhren
gottis dienst. vnter dem namē gottis. niemant anders thun
denn yrem eygen falschen dunckel/ der yhn ſürgibt/ Gotte sey
da mit gedienet/ Der selb dunckel ist die lügen/ vnd d abgott
ynn yhren hertzen. gleich wie den Juden auch war ynn yren
abgöttereyen. Sihe das ist das kalb/ vñ die falsch fleischliche
meynung des geystlichen weſens/ daran sie hangen/ vñ den
sie schmucken mit yrem schonen gleyssen vnd glatten kutten

So frist nu das kalb nur gras/ Den solch heiligen has
ben nichts von zukunfftigen guttern/ sondern mastern sich
hie auff erden/ wie wir sehen/ das die bestern gutter/ die
meystem wollust. die hohiste ehre die groſſt gewallet

B ij

bey den geystlichen ist/ Solch gras/ muß solch kalb essen/
vñ so wurt an yn auch war/ das sie yr herlickeit verwandeln
ynn ein bild eyns kalbs/ das gras frisset/ Denn Christus ist
vñser herlickeit/ des wir vns rhumen vñnd frewen solten/ so
richten sie an seyn stat an/ ein ander rhum ym hertzen/ das sie
sich verlassen vñnd rhumen yrer eygen werck vñnd verdienst/
da steht das kalb ynn Christus statt vñnd furet Christus name

Auffs ander/ das die kuttten am hyndersten vñnd an bey-
nen vñnd fornē entgeuzet vñnd zurissen ist/ bedeut das in solchem
geystlichen wesen vñnd gotts dienst keyn eynikeit ist/ so doch
nichts hoher ynn d̄ schrift gefodert wirt/ den das die Chris-
ten sollen gleich gesinnet sein. wie ps. lxxij. Gott macht ym
hause wonen/ die eynereley gesynnet sind. Vñnd ps. c. xxxij. O
wie seyn ist vñnd lieblich/ wenn brüder eyns miteynander
wonen/ Aber dise vnchristliche vngeystliche geyster/ haben
so mancherley syn vñnd weyse/ als farben/ Die barffen dunckē
yhr regel die beste/ die prediger widderumb achte yr regel die
beste/ Augustiner hie naus/ die Carthusier dort hynaus/ keyne
dunckē das gut sein/ das den andern gut dunckē/ Also ist die
kuttten am hyntern des kalbs zu rissen vñnd an den beynen/ ob
sie gleich wol alle darynnen eyns sind. das sie eynereley kalb
schmucken/ das ist/ gleichen vnglawben vñnd meynung durch
die werck den hymel zu erlangen

Vñnd sonderlich ist das zu mercken/ das der hynderst/
bedeut das ende/ vñnd die beyne/ bedeuett die/ auff welchen das
kalb (das ist solche falsche meynung) besteht Denn es noch
nie so vil secten/ orden/ vñnterscheyd vñnd namen der geystliche
gewesen sind/ als yzt ein zeit her/ nach dem es ans end komē
ist/ vñnd yhr büberey da hyn fellet vñnd auffhoren muß/ Vñnd
die beyne/ sind die frechen brüder vñnd lerer/ Magistri nostri
eximij. vñnd yhr gelertisten hyn vñnd her yn den orden/ die solch
geystlich wesen mit yrem schreyben/ predigen/ lesen vñnd leren
vñnter yhn/ vñnd ynn der welt/ erhalten/ Vñnd doch keiner mitt
dem andern eynes ist/ So vil kopffe/ so mancherley opinion
sind da

Auffs dritte/ furet das kalb aller dinge/ die geperde eines
predigers/ es streckt die hinderbeyn als stunds/ vnd reckt auß
die rechte pfothe/wie ein prediger sein rechte hand/ vnd zuecht
die lincke zu sich/wirfft den kopff auß/vnd hat die zunge ym
maul/vnd ist alles gestalt/als stund es vnd prediget/Darüb
wie der Papstesel das Papstum abmale/So malet eygent-
lich dis Munchkalb/die Apostel vñ schuler des Papsts/das
alle wellt sehe/was sie bisher fur prediger vnd lerer gehört vñ
noch hören/Den was solt ein eselkopff billicher zu Apostel
haben/ denn ein kalbs kopff fleischlich regiment hatt auch
fleischliche lere/Darumb hats auch noch nicht augen/das
es die jenigen deutete/da Christus von sagt Math. xxiij. Wee
euch schrifftgelerten yhr verblendete blindeleytter. Vnd Isais
lvj. Yhr verseher sind alle blind vnd wissen nichts.

Vil anders mehr mag man wol an dem kalbe auff die
munch vñ lerer deutten/Als das/das ore an der kutten/die
vntregliche Tiranney der beycht bedeutete/damit sie die wellt
marteren vnd zum teuffel furen/ Die Zunge ym maul/das
yhre lere nichts denn zunge/das ist/eyttel vñ nutz geschwezt
ist/ Die zwo warzen ym der platten auff dem kopff/solte
hörner worden seyn/Hörner aber bedeutten die predigt des
Ewangeli/das vom creutz prediget vnd zustoßet den alten
menschen/Michee .iij. Ich wil deyn horn eysern machen
das du vil volcks zustoßist &c. Aber dis kalb hat nicht hör-
ner/sondern nur malzeichen vnd schein dauon/Denn sie ha-
ben wol den namen/das sie das Ewangeliion predigen/aber
sie habens gefangen vnd auff yhre menschen lere gezwungē/
vnd stehn die warzen ym der platten/denn was der platten
gefelle/das muß Ewangeliion heysen. vnd das Ewangeliō
muß auch nicht auß der platten faren/sondern sich reys-
men vnd fügen auff yhr platten heiligkeit/Sonderlich was
yhr heußt/den Papst betrifft.

Das die kutten vmb den hals so hart gewunden ist/
seygt yhren hallstarrigen verstockten syn ym yrer munches-
rey vnd heiligem weßen. das yhr gewissen so tieff darinnen

der punden vnd verstrickt sind/das sie durch keine macht der
aller hellisten warheit crauß kómen múgen. Vnd das die
kúttten auff dem rúcken ganz vndformen offen ist/bedeutet
das sie für d welt nur geystlich sind/die sie hynder sich múß
sen lassen/ Aber für gott vnd gegen dem zukunfftigen leben/
sind es ym d warheit bloße beuche vnd nur eyttell freßlinger
vnd was durch vnd an dem bauch mehr sünden geschehen
für gott/der ich schweyge.

Das aber das vntermaul menschen maul gleich/ vñ
das vbermaul mit d nasen dem kalbmaul gleich ist. bedeutet.
das yr prediget wol etwan von den wercken gotlichs gesetzes
lernen. Aber es reucht alles kelbisch/ vnd wirtt gewandt auff
eygen gerechtikeit vnd frumkeit. Denn die zwo lippen des
munds. bedeutē/ die zwo predigt/ die vnterst des gesetzes pre-
digt/ die vberst/ des Euangeli odd verheyßung gottis. Aber
an statt des Euangeli vnd gotlicher verheyßung/ predigen
sie das kalbmaul/ das ist aureolas vñ grossen verdienst ym
hymel für yhr eygen werck/ die sie on glauben mitt grosser
muhe thun.

Auffs lerst. ist das kalb glatt allent halbē/widder die
natur d kelber/das bedeutet/die hubsche feyne zarte gleißnerci
vnd heuchley/damit sie bis her yederman gefallen vñ betro-
gen haben/ das wir sie für heilige geystliche vetter gehalten
haben/ die seel in d vnd teuffels vordleuffer. Das ist nun
alles an den tag kómen/ das kalb ist crauß/auf der kue/ Sie
kónnen sich nicht mehr bergenn ym der welt/man weys nu
wer sie sind.

Dise deuttung/gebe ich zu richten yderman/ den ob die
deuttung gleich sich nicht reymette/so ist sie doch an yhr selb
vnd ym der schrift vor hyn gnugsam gegrund/ das der
Munch stand der artt sey. wie gesagt ist. Weyl den das kalb
dreyen so eben stymmet/so sehe yderman zu/was er verachtet/
wen er mein deutung verachtet. Es ist vns gnugsam an disem

Als gesagt/das gott der müncherey feynd ist/wos er yr hold
were/hett er die kuttē eynem erlicher bild an gezogen/So mag
solch wunder/nicht einen man odder person/sondern muß
ein ganzen hauffen eyn regiment viler person bedeyten/wis
aller wunder vnd gesicht art ist/yim der schrift. dan. viij.

Zutt euch Munch vñ Nonnen/Es gillt euch warlich
mit ernst/vnnd last euch gottis vermanung nicht ein schertz
seyn/ Werdet ander munch vnnd nonnen/odder last kloster
vnd kuttē ligen/vnd werdet widderumb Christen/che euch
die zeyt vbereylet/vnnd darnach nicht kundet/wenn yhr gern
wolltet/die yr ytz nicht wolltet/weyl yr wol kundt.

Vnd ym sonderheit bitte ich euch demutiglich yhr lie
ben herrn vom Adel/hellfft ewern freunden vnd kindern auß
dem grewlichē ferlichen stand/Denck/ das sie auch mensche
sind eben als yr/vnd ja so hart verpunden sind/dem natura
lichen orden als alle ander/vnnd nicht möglich ist/das ein
solch grosse menge/sollten keusche odder williglich Junck
frawen seyn. Ich will das meyne than vñ euch alle gewar
met habenn.

Faint, illegible text at the top of the page, possibly bleed-through from the reverse side.

Second block of faint, illegible text in the upper middle section.

Third block of faint, illegible text in the lower middle section.

Faint, illegible text at the bottom of the page, possibly bleed-through.

Vertical handwritten text on the left margin, possibly a page number or reference.



[28 175 ¹⁰⁰⁰]




24
4291 全

(x2290043)

Gen
O.





15.

Deutung der zwo grewlichen
Figuren Papstesels zu Rom vnd Munchkalbs
zu Freyberg in Meyssen funden

Philippus Melanchthon
Doct. Martinus luther

Universitäts-
Bibliothek
halle

Wittenberg
M. D. xliij



L 2, 3614

